

Virdung, Johann: Practica Teütsch, Uber die neuwe erschrockliche: vor nie gesehen: Coniunction, oder
zsamnuereinigu[n]g der Planeten Jm Jare M CCCC XXIII zkünffig: Z ehre[n] de[m]
Großmechtigste[n], vnüberwintliche[n] herre[n] der welt, de[m] götliche[n] Käyser vnd Kömischen [!]
König [et]c[etera]. C.arolo [!] dem V. Vnd auch etlicher Chrfürsten nemlich ... her[r]n Luwigen
Pfaltzgrauen vnd Chrfürsten [et]c[etera]. Vnder welcher beschirmung der werckmeister [!] dieser
Practic nemlich Meister [!] Johann Virdung vonn Haßfurt Mathematicus erneret wirt. ...

Oppenheim, 1523

Seite zk

Die letst vnderfcheydt außweiset

kürzlich in welchen Stetten die Wirkung dieser
Coniunction das meystdeyl sich
erheben würdt.

Auff dz widerüb erquickt
werdē die traurigen hertzen dieser mensche
die von wege dieser erschrocklichen ding die
ser Practica bedriibet wordē sein vnd cleins
mütig/vermeynen diese ding sich erzeygen
durch die gāge welt: auch dz ich nit mer ge
sehē werdt eyn clāffer/dan eyn außleger der warheit/hab ich

hie erzelet mit kürzen die Stett vnd Landt/in welchen die be
deütnuß dieser Coniunction mer bezeygt werden. Nun nach
zūolgen der lere Ptholomei/Albumasaris vnd anderer ge
lertter Astronomi/So sag ich/das die wirklichkeit dieser Co
iunction sich das meystdeyl erheben werdt in Stetten gegen
mitternacht/vnd die do ligen zwischen mittag vnnnd nyder
gang/vnd nemlich vndergeworffen den fischen. Die Stett
aber die vnder der herschafft der Zwilling /des Löwen/der
Jungfrawen vnnnd Schützen ligen/ den bösen einfluß dieser
Coniunction nit entweychen werden/vnnnd vffs meyst die do
ligen beyden grossen wasserē vnnnd weyherē/vnd auffer des
meres vnd an wesserichen Landen. Hüten sich auch die mē
schen an der Dänawe vnd am Rheystram/das sie nit scha
den leyden durch wasser oder durch ander vnglück geschlagē
werden: Vnd so Crabatan vnd Kernten/die Ersch durch die
Jungfrawe regiert werden: als viel Astronomi wöllen: so
werden sie nit entweichen dem vnglück dieser Coniunction.
Es zeygt auch diese Coniunction nit allein schadē den wesse
richen thieren/sonder auch den vögeln in den lufften. Jedoch
diweyl die fisch sein ein gemein zeychen/so wirt die wirkli
cheyt mere erzeygt in dem menschliche geschlecht vnd in diesen
die do verwesen die kirchen/als die Priester vnd in den groß

E ij